



Broj: 05-04-20-3468-3/24
Maglaj, 30.09.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3468-2/24 od 30.09.2024. godine, u postupku javne nabavke „Izvođenje radova na izgradnji spomen obilježja branioci Bijele Ploče i izgradnji, sanaciji i rekonstrukciji spomen obilježja branioci Jablanice“, Općinski načelnik donosi

ODLUKU
o izboru najpovoljnijeg ponuđača
(LOT 1)

I

Prihvata se preporuka Komisije za javne nabavke i ugovor o nabavci radova na izgradnji spomen obilježja braniocima Bijele Ploče dodjeljuje se ponuđaču „**MVS gradnja**“ d.o.o. Maglaj, u skladu sa ponudom broj 001-P/24 od 23.09.2024. godine, po ukupnoj cijeni od **17.248,10 KM bez PDV-a**, odnosno **20.180,28 KM sa PDV-om**.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3468/24 od 10.09.2024. godine, pokrenut je postupak javne nabavke „Izvođenje radova na izgradnji spomen obilježja branioci Bijele Ploče i izgradnji, sanaciji i rekonstrukciji spomen obilježja branioci Jablanice“, podijeljen na dva lota:

- LOT 1: Izvođenje radova na izgradnji spomen obilježja braniocima Bijele Ploče
- LOT 2: Izvođenje radova na izgradnji, sanaciji i rekonstrukciji spomen obilježja braniocima Jablanice

Predmetna javna nabavka objavljena je na portalu javnih nabavki, obavještenje o nabavci broj 1140-7-3-89-3-100/24 od 10.09.2024. godine. Sažetak obavještenja o nabavci objavljen je u „Službenom glasniku BiH“, broj 61/24.

Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su za LOT 1 (Izvođenje radova na izgradnji spomen obilježja braniocima Bijele Ploče) blagovremeno zaprimljene dvije ponude, prema redoslijedu zaprimanja kako slijedi:

| r/b | Naziv ponuđača | Sjedište ponuđača | Datum i vrijeme zaprimanja | Broj protokola |
|-----|--|---|----------------------------|----------------|
| 1. | Konzorcij "DKM gradnja" d.o.o. Maglaj i "Dževkomerc inženjering" d.o.o. Zavidovići | Viteška ulica bb, Maglaj Dubravački put bb, Zavidovići | 23.09.2024. 08,29h | 7308 |
| 2. | "MVS gradnja" d.o.o. Maglaj | Aleja ljiljana 34, Maglaj | 23.09.2024. 08,57h | 7309 |

Neblagovremenih ponuda nije bilo.

Obje zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, prilikom čega je utvrdila da obje ponude ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

E-aukcija za LOT 1 (Izvođenje radova na izgradnji spomen obilježja braniocima Bijele Ploče), je zakazana za dan 24.03.2023. godine s početkom u 09,00 sati.

Nakon održane e-aukcije, konačna rang lista u predmetnom postupku za LOT 1 (Izvođenje radova na izgradnji spomen obilježja braniocima Bijele Ploče) je sljedeća:

| r/b | Naziv ponuđača | Cijena / KM bez PDV-a | Cijena / KM sa PDV-om |
|-----|--|-----------------------|-----------------------|
| 1. | "MVS gradnja" d.o.o. Maglaj | 17.248,10 | 20.180,28 |
| 2. | Konzorcij "DKM gradnja" d.o.o. Maglaj i "Dževkomerc inženjering" d.o.o. Zavidovići | 19.206,30 | 22.471,37 |

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na izgradnji spomen obilježja braniocima Bijele Ploče dodijeli ponuđaču "MVS gradnja" d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 30.09.2024. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić

